

石室秘錄卷之五 目錄

卷五 書集

久治 虛寒久治

暫治 傷風 傷暑 傷食 傷濕

遠治 中風 厥脹 痿症 食炭

近治 猝倒 心痛暴亡 腹痛欲死
中惡 中痰 心疼

輕治 小柴胡湯

重治 大渴 大汗 大吐
大瀉 陰陽脫

瘟疫治

瘴癘治

得治

失治

意治

神治

傷寒相舌秘法

一論五行

二論臟腑

三論陰陽

四論晝夜

五論四時

六論氣色

七論脉訣

八論強弱

九論寒熱

十論生死

十一論真假

十二論老少

十三論氣血

十四論命門

十五論任督

十六論子嗣

十七論瘟疫

岐天師兒科治法

諸真人傳授兒科

痘瘡計日
痘瘡壞症

張真人傳痘疹門

錢真人傳痘疹神方

岐天師又傳治回毒歲久不愈方

岐真人傳兒科秘法

長沙張真人傳治小兒感冒風寒方

兒科

驚

疳吐瀉生下不肯食乳
初生臍汁不乾肚臍突出

石室秘錄卷之五

書集

山陰陳士鐸遠公甫敬習

義烏

金以謀孝芑甫訂定
李祖詠子永甫參攷

久治法

論虛寒久治

久道湯

天師曰。久治者。日久歲長而治之也。此乃寒虛之人。不可日斷藥餌。如參苓芪朮之類。日日煎飲始好。否則卽昏眩怔冲是也。方用人參一錢。白朮二錢。黃芪二錢。茯苓二錢。甘草五分。白芥子一錢。神麴五分。肉桂一分。麥冬二錢。北五味三分。蘇子五分。水煎服。心不寧。加生棗仁一錢。不寐。加熟棗仁一錢。遠志一錢。飽悶。加白芍二錢。口渴。加當歸二錢。熟地三錢。夢遺。加芡實三錢。山藥三錢。飲

食不開加麥芽一錢。山查三四粒。有痰加半夏五分。咳嗽加桔梗一錢。有浮游之火加元參二錢。頭疼加蔓荊子七分。或川芎一錢。有外感加柴胡一錢。鼻塞加蘇葉一錢。目痛加柴胡一錢。心微痛加梔子五分。脇痛加芍藥一錢。腹痛加肉桂三分。此久治之法。

張公曰。妙極。

暫治法

論傷風傷食傷暑傷濕

祛風散

化食湯

天師曰暫治者。乃強壯之人。素不服藥。一朝得病。用藥暫治之也。如人外感傷寒。用傷寒專門治之。茲不再贅。其餘傷風傷食傷暑傷濕。俱可以暫治而愈。傷風則用柴胡三錢。荆芥一錢五分。白芍三錢。蒼朮五分。茯苓二錢。炒梔子二錢。枳殼一錢。丹皮一錢。白芥子一錢。水煎服。此方發散之藥。雖重。然因其素不患病。則腠理必密。故以重劑散之。然方中有健脾之藥。正不必憂散藥之太重也。如傷食作痛。胸腹胞悶。填脹欲嘔而不得。方用白朮三錢。枳殼二錢。山楂三十粒。麥芽三錢。半夏一錢。甘草一錢。砂仁三粒。厚朴一錢。水煎服。此方純是攻藥。而不至消氣。妙用白朮爲君。故不消

解暑神奇
丹

氣而轉能消食。然亦因其形壯體健而用之。倘體弱久病之人。不敢以此方投之。傷暑者。乃暑氣因其勞而感之。必非在高堂內寢之中而得之也。方用香薷二錢。青蒿五錢。石膏一錢。乾葛一錢。車前子一錢。茯苓三錢。白朮一錢。厚朴一錢。陳皮一錢。甘草一錢。水煎服。此方純是解暑之藥。亦因其氣壯而用之。氣虛人最忌。傷濕之症。兩足浮腫。手按之必如泥。乃濕侵於脾也。急用茯苓五錢。豬苓三錢。白朮三錢。澤瀉三錢。肉桂二分。治之。亦因其體壯氣盛而用之。倘氣虛。還須斟酌。此皆暫治之法。

遠治法

論中風。顴脹。痿症。食炭。

回生神丹

天師曰。遠者。病得之年遠。而徐以治之也。如中風。已經歲月。顴脹。已經年許。痿症。而臥牀者。三載如癰。癰食炭數年是也。此等之症。臥牀既久。起之最難。卒效。然而治之得法。亦可起之。於旦夕。如中風。手足不仁。不能起立。行步者。但得胃氣之健。而手足不致反張。便足。蹙者。皆可起之。方用人參五兩。白朮半觔。薏仁三兩。肉桂三錢。附子一錢。茯苓一兩。半夏一兩。南星三錢。水二十碗。煎四碗。分作二次服。早晨服二碗。卽臥。上以綿被蓋之。令極熱。汗出如雨。任其口呼大熱。不可輕去其被。任其自乾。再用後二碗。晚服。亦蓋之。如前。不可輕去其被。一夜必將濕氣冷汗盡行外出。三日可步履。

對
湯消臃至神

回春健脾
丹

矣。後用八味地黃丸。四料爲丸。服完。永不再發。○臃脹經年而不死者。必非水臃。水臃之症。不能越於兩年。未有皮毛不流水而死。者。今二三年不死。非水臃。乃氣臃血臃。食臃虫臃也。但得小便利。而胃口開者。俱可治。方用茯苓五兩。人參一兩。雷丸三錢。甘草二錢。蘿蔔子一兩。白朮五錢。大黃一兩。附子一錢。水十碗。煎湯二碗。早服一碗。必然腹內雷鳴。少頃必下惡物滿桶。急拿出傾去。再換桶。卽以第二碗繼之。又大瀉。大下至黃昏而止。淡淡米飲湯飲之。不再瀉。然人弱極矣。方用人參一錢。茯苓五錢。薏仁一兩。山藥四錢。陳皮五分。白芥子一錢。水煎服。一劑卽愈。忌食鹽者一月。犯則無生機矣。先須斷明。然後用藥治之。○痿症久不效者。陽明火燒。

一起廢神丹

壯體丹

啟迷奇效湯

盡腎水也。然能不死長存者何。蓋腎水雖涸。而肺金終得胃氣以生之。肺金有氣。必下生腎水。腎雖乾枯。終有露氣。夜潤腎經。常有生機。故存而不死也。方用麥冬半觔。熟地一觔。元參七兩。五味子一兩。水二十碗。煎六碗。早晨服三碗。下午服二碗。半夜服一碗。一連二日。必能坐起。後改用熟地八兩。元參三兩。麥冬四兩。北五味三錢。山茱萸四錢。牛膝一兩。水十碗。煎二碗。早晨一碗。晚服一碗。十日即能行步。一月即平復如舊矣。蓋大滋其肺腎之水。則陽明之火不消而自消矣。○癰瘤之症。亦累歲經年而未愈。乃痰入於心竅之間。而不能出。喜食炭者。蓋心火為痰所迷。不得發洩。炭乃火之餘。與心火氣味相投。病人食之。竟甘如飴也。方用人參一兩。

南星三錢。鬼箭三錢。半夏二錢。附子一錢。肉桂一錢。柴胡三錢。白芍三錢。菖蒲二錢。丹砂末二錢。先將前藥煎湯二碗。分作二服。將丹砂一半調入藥中。與病人服之。彼不肯服。卽以炭飴之。服了與汝炭吃。彼必欣然服之。索炭也。不妨仍與之炭。第二服亦如前法。則彼不若前之欣然。當令人急灌之。不聽。不妨打之以動其怒氣。怒則肝木火起。以生心。反能去痰矣。皆絕妙奇法。世人未見未聞者。吾救世心切。不覺盡傳無隱。此皆遠治之法。最宜熟記。

張公曰。中風之有胃氣。則脾健可知。但脾胃俱有根源。何難用藥。天師所用之藥。又是健脾之品。使脾一旺。則氣益旺。可知。氣旺則濕自難留。方中又全是去濕之藥。濕去則痰消。又有消

痰之品。痰消則寒自失。而又有補火之劑。所以奏功也。然非大劑煎飲。則一抔土安能止汪洋之水。而重築其堤岸哉。○臃脹之症。年久不死。原是可救。所以用下藥以成功。非土鬱之中。固有水積。若果水症。早早死矣。安能三年之未死也。然而雖非水症。而水必有壅阻之病。方中仍用茯苓爲君。以雷丸大黃爲佐。不治水而仍治水。所以奏功如神也。○痿症久不死。雖是肺經之潤。亦由腎經之有根也。倘腎水無根。總肺金有夜氣之生。從何處生起。吾見立槁而已矣。惟其有根。所以不死。故用大劑補腎之品。因之而病愈。亦因其有根可救而救之也。○癰瘤之病。雖時嘗食物。腸中有水穀之氣。可以養生不死。亦其心之不死。

也。倘心早死。卽無病之人。食穀亦亡。况有癲癇之症。吾見其早亡。不能待於今日。惟其中心不死。不過胃痰有碍。一時癲癇。其脾胃猶有生氣也。故用人參以治心。加附子。菖蒲。肉桂。溫中以祛邪。加柴胡。舒肝平水。加南星。鬼箭。半夏。逐痰蕩邪。加丹砂定魂鎮魄。自然邪氣少而正氣多也。皆天師未言。而予發其奧妙如此。方則天師至神。至奇。予不能贊一辭也。

華君曰。予無此之多。各有小异。不必盡言。只言异處可也。臃脹方不同。傳余之方。乃用甘遂三錢。牽牛三錢。水三碗。煎半碗服之。則瀉水一桶。瀉極。用人參一錢。茯苓三錢。薏仁一兩。山藥五錢。芡寔一兩。陳皮五分。白芥子一錢。水煎服。一劑卽愈。亦忌鹽。

起痿神湯

天師曰亦
奇妙方也
二方相較
彼更奇於
此

加減六君
子湯

一月。痿症方亦不同方用元參一兩熟地三兩麥冬四兩山
茱萸一兩沙參三兩五味子五錢水煎服十日即可起牀予曾
親試之神驗不知天師何故不傳此方而更傳新方也想天
道之薄而人身亦殊用藥更重也。癰癩余未傳方然別有治
癰之方亦奇妙方用柴胡五錢白芍三兩人參一兩半夏三錢
白芥子五錢南星三錢用牛胆製過者附子一錢茯神三錢菖
蒲三錢水十碗煎二碗先與一碗服之必倦怠急再灌一碗必
熟睡有睡至一二日者切不可驚醒如死人一般任其自醒醒
來病如失即索飲食說從前之病不可即與飲食餓半日與之
米粥湯內加入參五分陳皮五分煎粥與之再用人參三錢白

水一兩。甘草一錢。茯苓五錢。陳皮五分。白芥子五錢。水煎與之。彼必欣然自服。服後再睡。亦聽其自醒。則永不再發。亦奇妙法也。

天師曰。此方未嘗不佳妙。

近治法

論猝倒 心傷暴亡 腹痛欲死
中惡中痰心疼

天師曰。近治者。一時猝來之病。而近治之也。如一時眼花猝倒。不省人事。一時心痛暴亡。一時腹痛。手足青而欲死者是也。此等之症。如風雨驟至。如駿馬奔馳。不可一時止遏。不可少緩。須更以治之也。眼花猝倒。非中於惡。則中於痰。然中惡中痰。實可同治。蓋正氣之虛。而後可以中惡。中氣之餒。而後可以痰迷。然則二症皆氣虛之故。故補其氣。而中氣正。氣自回。或加以祛痰之品。逐邪之藥。無有不奏功頃刻者。方用人參三錢。白朮五錢。附子一錢。半夏一錢。南星一錢。陳皮一錢。白微一錢。水煎服。下喉卽愈。此方妙在補氣之藥。多於逐痰祛邪。中氣健於中。邪氣消於外。又何懼痰之不